

Kreis
Büren.
S. 116

(1182—83) März 17 Velletri.

[5]

Papst Lucius III. nimmt das Kloster Wölleben in apostolischen Schutz.

Lucius episcopus, servus servorum Dei. Dilectis in Christo filiabus Magthildi abbatisse ac conventui de Mulinpeche | salutem et apostolicam benedictionem. Virginibus sacris, que sub habitu religionis Domino placere desiderant, tanto propensius debet | adesse apostolice sedis presidium, quanto pro fragilitate sexus minus videntur se posse tueri. Ea propter, dilecte in Domino filie, vestris iustis postulacionibus grato concurrentes assensu, monasterium vestrum, in quo divino estis obsequio mancipate, cum possessionibus et omnibus bonis, que in presentiarum iusto noscitur titulo possidere vel in futurum iuste poterit adipisci, sub beati Petri et nostra protectione suscipimus. Specialiter autem villam ipsam de Mulinpeche, quam bone memorie Hiteburg mulier et F. presbiter, cum ipsum monasterium fundaverunt, ei pia devotione dederunt cum omnibus pertinentiis suis, preterea decimas de centum et viginti aratris, quas bone memorie Trogo quondam Mindensis episcopus de assensu capituli sui sub pensione quinque solidorum exolvendorum altari episcopalis ecclesie annuatim ipsi monasterio assignavit, ita quod semel in anno eo modo episcopus, qui pro tempore fuerit in Mindensi ecclesia, recipiatur ibidem, quo in ceteris locis sue diocesis recipi solet; et idem episcopus sit perpetuo mundiburdus ipsius cenobii, nisi episcopus mundiburdio ipso in dispendium cenobii videatur abuti, quia tunc liceat eis mundiburdium alium invenire, salva electione abbatisse, quam conventus debet libere celebrare, sicut rationabiliter statutum est et hactenus observatum atque in scripto predicti episcopi et aliis instrumentis ipsius ecclesie plenius continetur, auctoritate apostolica confirmamus et presentis scripti patrocinio communimus. Statuentes, ut nulli omnino hominum liceat hanc paginam nostre protectionis et confirmationis infringere vel ei ausu temerario contraire. Si quis autem hoc attentare presumpserit, indignationem omnipotentis Dei et beatorum Petri et Pauli apostolorum eius se noverit incursurum. Dat. Velletri XVI Kl. Aprilis.

Orig. Bleibulle ab; gelbseidene Fäden erhalten. Sehr schmale Plica. Nur Lucius in verlängerten Buchstaben; das L außerdem betont. Desgl. betont E (in Ea propter). Ohne Jahrestag. Rep. XII Y^a 1 Nr. 1. Auf Rückseite feinerlei Vermerk, nur 15. Jhdt.: Apostolica confirmatio, quod episcopus Myndensis dictus Trogo centum et viginti aratrorum decimas contulit huic monasterio. — Über Drucke vergl. Jaffé² Reg. pont. 14729. Außerdem Regest bei Zinke, Papsturkunden Westfalens, Nr. 137.